

SARAY

broj:X

MAJ/SVIBANJ 2015.GODINE



MATURANTI

ZIMSKA ŠKOLA
SKIJANJA



U OVOM BROJU DONOSIMO:
DRUŽENJA
POSJETE
ISPRAĆAJ JOŠ JEDNE
GENERACIJE
LITERARNI KUTAK...



SARAH AVDAGIĆ

JOŠ JEDNA U NIZU GENERACIJA...

Ljubazna i simpatična osoba. Voli modu. Naš biolog koji pomaže svima. Jakog karaktera i uvek govori istinu. Borbena je kako za sebe tako i za druge. Što misli to i kaže. Tu je od prvog razreda.



SUMEJA AVDAGIĆ

Odlična je učenica svih devet godina. Iskrena i snalažljiva osoba. Iako je najmlađa, u inteligenciji ne zaostaje za nama. Naš Casillas. Tu je za sviju i u svakoj situaciji. Mirna i povučena osoba. Ona je naš „Bingo“. Kulturna i dobro organizovana osoba. Svjetski i vjerski obrazovana.



AMAR ĆELO

Osoba koju možete uvek naći kada vam zatreba pomoći. Glavni motiv svakog društva. Odličan fudbaler. Osoba koja nas može uvek nasmijati. Logika i matematika njegove su jače strane. Igrao se ljubavlju i dobio kaznu. Veoma je odgovoran i zna čuvati tajnu. Svi drugovi su za njega važni i prema svima iskazuje poštovanje. Odličan je učenik svih devet godina.

Kada smo krenuli u sedmi razred , Kenan nam se pridružio. Njegove ideje su fascinantne. Jedna od rijetkih osoba koja prima šalu na svoj račun, a istovremeno voli nasmijavati druge. Njegove izjave su nas često nasmijavale do suza i obilježile su ove tri godine.



KENAN DELIĆ

Inteligentna osoba koja bi mogla mnogima biti uzor po svojoj marljivosti. Kulturna, osjećajna i pažljiva osoba. Tu je za nas u dobrim i lošim situacijama. Ima dobar smisao za humor. Odgovorna i snalažljiva osoba. Strpljiva i ima svoje granice. Pokazuje strpljenje za sagovornika i kad tema nije zanimljiva. Samouvjerena je i odlična je učenica od prvog razreda.



MELIKA DŽEKO

Postao je učenik našeg razreda u devetom razredu. Brzo se uklopio u novo društvo. Voli red i disciplinu. Ima ogroman smisao za humor i puno zanimljivih događaja. Dobar glumac i učač ilahija. Veoma dobar organizator svih aktivnosti. Osoba koja se ne libi reći šta misli i stoji iza svog mišljenja.



ALIJA KOKOR



DAN MARLOVIĆ

Došao nam je u V razredu. Osoba sa kojom se možemo družiti opušteno i pričati o svemu. Osmijeh je neizostavni dio njegovog fizičkog opisa. Uvijek je tu kada zatreba. Vrlo fotogenična osoba koja mari za svoj izgled, a posebno za frizuru. Prirastao je našim srcima veoma brzo. Oduvijek je bio odličan učenik.



NEJLA SUKIĆ

Pridružila nam se u osmom razredu. Vrlo brzo se uklopila i postala naša drugarica. Tiha i povučena, ali veoma inteligentna. Rado pomaže svima .Vrlo je načitana i veoma vješt govornik. Voli naučnu fantastiku i fantaziju. S njom možete pričati o veoma zanimljivim temama, a njena omiljena tema su psi. Njen glava je "magnet za lopte".



AHMED SULEIMAN

Jako inteligentan učenik. Osoba na koju se možemo osloniti i s kojom možemo o svemu pričati. Njegove teme su veoma zanimljive. Osoba koja bi mogla biti primjer po svojoj učenosti o islamu i islamskom putu kojim korača. Ima sportski duh i snalažljiv je u svakoj situaciji. Logički tip kojem dobro idu matematika i gramatika. O svemu dobro promisli prije nego što provede u djelu.


Uvijek je nasmijana. Spremna je pomoći drugima. Njeno ponašanje, učenje i sve ostale vrline, a pogotovo smisao za humor, može biti uzor svima. Iako je pokrivena, spremna je za sve vrste sportskih i drugih društvenih aktivnosti. Uvijek nam je bilo zadovoljstvo slušati njene izvedbe ilahija. Ovu školu pohađa svih devet godina. Bolje igra fudbala od svog rođenog brata, a to je Ali najbolje osjetio nakon što je Fatima šutirala loptu, koja je završila na njegovom čelu. Odlična je učenica od prvog do devetog razreda.



FATIMA SULEIMAN

Naš je drug od devetog razreda jer je tada došao u ovu školu. "Naš Numan-efendija", pokazao je da je veoma dobar glumac. Čistokrvni Hercegovac, a što se tiče iskrenosti, e, tu je na samom vrhu. Veoma je emotivno vezan za svoju porodicu. Voli životinje. Šalu na svoj račun teško prihvata.

Pravi je umjetnik u crtanjtu.



ALI ŠOTO

Naš fizički zaštitnik. Njegova visina je simbol našeg razreda. Sa njim se lijepo provodimo. Ponekad nema osjećaja za neke stvari, ali je ipak dobromjeran. Odlično govori engleski jezik. Ljubav pokazuje na njemu svojstven način. Rado pomaže drugima u stvarima u kojima je samo on dobar.

Veliki ljubitelj sporta.



BEKIR ŠUTKOVIĆ

IZ LJETOPISA...

Početkom II polugodišta počele su i raznovrsne aktivnosti u našoj školi

POSJETE, DRUŽENJA, TAKMIČENJA...

- ⇒ Realizirana je X Zimska škola skijanja koju je pohađalo 89 učenika od I do IX razreda.
- ⇒ 18.02.2015. učenici VIII i XI razreda su posjetili Gazi Husrev-begovu biblioteku. Naši učenici su imali priliku pogledati izložbu i prezentaciju poštanskih maraka sa islamskim motivima iz Bosne i Hercegovine i svijeta.

25.02.2015.
učenici od I do IV razreda zajedno sa učiteljima su u kinu "Cinema City" gledali animirani film "Pingvini sa Madagaskara".



20.03.2015. održano je XIV kantonalno takmičenje iz engleskog jezika. Našu školu predstavljala je učenica IX razreda, Džeko Melika.

Melika je pokazala jako dobre rezultate i od 63 takmičara plasirala se na 13.mjesto.



21.03.2015.

Održano
Kantonalno
takmičenje iz
njemačkog
jezika. Našu školu
predstavlja je
učenik IX razreda
Delić Kenan.



Od 63
takmičara ,
Kenan se
plasirao na 11.

27.03.2015. Održano
Općinsko takmičenje iz
geografije. Našu školu
su predstavljali učenici
IX razreda:

1. Amar ĆELO
2. Melika DŽEKO
3. Sarah AVDAGIĆ



01.04.2015. održano je 3. kantonalno takmičenje iz vjeronauke za učenike VIII i IX razreda. Predstavnica VIII razreda je bila Sumeja Kadribegović, a IX Fatima Suleiman.

17.04.2015.
Edukativna posjeta
službenika MUP-a
Kantona Sarajevo
našoj školi. Voditelji
sekcije „Školska
saobraćajna patrola“

pozvali su u goste
policiju, kako bi
upoznala učenike VI
razreda sa pravilima
ponašanja djece u
saobraćaju. Policijski
službenici su našim

učenicima pokazali
kako se koristi
policijska oprema,
koju su oni mogli i
isprobati u
improviziranoj
situaciji.



U Osnovnoj
školi "Malta", 7.maja je
održano Općinsko
takmičenje u
poznavanju
saobraćajnih pravila i

propisa. Članovi
"Školske saobraćajne
patrole" su u pratnji
nastavnice Aide
Bašić učestvovali na
takmičenju i osvojili

maksimalan broj
bodova. Na
takmičenju je
učestvovalo oko 80
učenika.
Čestitamo im!

Dan planete Zemlje

Dan planete Zemlje ili Dan Zemlje (eng. *Earth Day*) obilježava se 22. aprila u više od 150 zemalja širom svijeta. Namjera je da ljudi širom svijeta podsjeti u kakvom je stanju priroda planete na kojoj žive, kao i da se stanovništvu ukaže na probleme ekosistema, na zagađenje naseljenih mjesta i na to kako poboljšati kvalitet životne sredine.



Učenici I i II razreda su u pratnji učiteljica prošetali Vilsonovim šetalištem noseći transparente sa porukama o zaštiti i čuvanju životne sredine.

Veliki svijete, eko poruke
šalje ti dijete!

Čovječe, ne zaboravi,
priroda je stvorila tebe, a
ne ti nju!

Sadi cvijeće, ne bacaj
smeće!

I drvo ima dušu, novo
drvo, novi život!

Reciklirajmo otpad da
majka zemlja lakše diše!



X ZIMSKA ŠKOLA SKIJANJA

Početkom II polugodišta organizovana je
Zimska škola skijanja na Igmanu.

Ove godine školu je pohađalo 89 učenika
raspoređenih u tri grupe: POČETNICI,
BABY-LIFT i DVOSJED.

2014/15.



Učenici su svakodnevno polazili autobusima ispred škole u 8:15, a vraćali se istog dana u 15:15.



Putovanje do planine je veoma brzo prolazilo uz pjesmu, druženje, smijeh i druge dogodovštine.

Škola se pobrinula da pronađe odgovarajuće instruktore skijanja kako bi učenici što bolje savladali ovu vještinu.

Profesor Enes Đozić je bio glavni koordinator organizovanja zimske škole, te mu se zahvaljujemo na uspješnoj realizaciji .

Učenici su svakodnevno napredovali, tako da zadnjeg dana nije bilo grupe početnika, a grupa dvosed se obogatila polaznicima baby-lifta.



Pripremila: Fatma Reyhan Korkut



Kreativna radionica je nastavila sa vrijednim radom i u toku II polugodišta.


“Kad se male ruke slože, sve se može” - moto je naše male kreativne radionice, koja broji 13 članova.



*Da dječija mašta može svašta
dokazale su učenice III i IV
četvrtog razreda koje se druže i
vrijedno rade svakog ponedjeljka
VI čas.*




Uživali smo u izradi
naušnica, ukrašavanju
trakica, rajfova i šnalica za kosu...



Kreativna radionica je nastavila sa vrijednim radom i u toku II polugodišta.



Vesele, praktične i kreativne torbice za izlazak u šetnju!



Članovi sekcije su naučili kako od čaša , koje ne koristimo, napraviti neki dekorativni element!

Sekciju vodi učiteljica Mubera Halilčević

LITERARNI KUTAK

Dnevnik i moja mama

Skoro svako veče moja mama u 19:00 sati gleda dnevnik. Udobno se smjesti na trosjed, pripremi šoljicu kahve i kaže da je pustim da pogleda najnovije vijesti. Uvijek sam se čudila kako mamu zanimaju informacije o političarima, krađama, nesrećama ...

Iako se obično dosađujem, sinoć sam pažljivo posmatrala mamu. Gledala je u veliki šaren i ekran na kojem su se smjenjivala već dobro poznata lica. Tišinu u sobi remetili su zvukovi sa televizora, a mama je nepomično bušila u ekran. Odjednom naglo ustade i približi se TV-u. Spontano sam pogledala u ekran. Ponovo se desila tuča maloljetnika u našem gradu. „Strašno!“, rekla je mama. Lice joj je bilo crno od ljutnje. „Dokle ćemo strahovati za našu djecu!“, izgovorila je povиšenim tonom. Pogledala me je zbunjeno kao da me prvi put vidi. Ugasila je televizor, nasmiješila se i toplo me zagrlila. Tada mi se učinilo da je sav svijet moj.

Brižno mi je rekla da poštene i obrazovanje gradi čovjeka. Znaš sam da njena nesobična ljubav i kvalitetan odgoj vode ka uspjehu.

Meliha Stočević, V razred

Uzbuđenje je bilo veliko

Dugo sam bio jedinac. Često sam se igrao sam i priželjkivao brata ili sestru.

Jednog dana ta želja mi se ostvarila, kada sam krenuo u prvi razred. Mama mi je rodila sestru. Dok sam čekao taj dan, tata mi je pričao kako ćemo se lijepo obući i kupiti cvijeće za mamu. Konačno je osvanulo i to jutro. Dok smo se vozili prema porodilištu, tata je imao poseban osmijeh na licu. Stigli smo pred porodilište. Hodanje kroz hodnik ove zgrade činilo mi se kao put u neki čarobni svijet. Najzad smo stigli do bijelih vrata. Čvrsto sam stisnuo cvijeće za mamu. Bijela vrata se otvorile. Jedna teta je držala malu zamotuljak, a u zamotuljku se nalazišo najmanje biće koje sam ikada vidio. Glavica je bila bez kose, a ručicama je prekrila to sjajno lice na kojem je nositi stajao poput dugmeta. Obraščići su bili kao dvije jagode.

Kada smo stigli kući dugo sam gledao zamotuljak kome sam dao ime Iman. Zamišljao sam kako ćemo se u budućnosti igrati i voljeti. Bio sam beskrajno sretan.

Harun Ibrica, VII razred

Jedna borba i čudna pobjeda

Nedavno, kada sam išao na trening karatea, bilo nas je jako malo. Stoga, skoro čitav trening je bio kondicioni, to jest čitav smo se trening zagrijavalj. Oko dvadeset i pet minuta prije kraja treninga, krenuli smo da radimo. Din, Arman, Adem i ja smo radili borbe. Prvo smo radili bezveze u timovima po dvoje, a kad nam je i to dosadišlo, Din i ja smo radili pravu borbu preko čitavog, ali malog šahovski postavljenog tatamija (tvrdih strunjača). U karateu je jedan poen jako puno. Krenuli smo. Nakon nekog vremena, Din je vodio 2:0. Bilo je još nekoliko sekundi do kraja, a ja sav iscrpljen, i dalje sam se trudio. Kao pravo čudo, oko 5 sekundi prije kraja borbe, Dinu sam postavio nogu na pravilan, ali težak način, uzeo ga desnom rukom, gurnuo, a on gruhnu na tatami. Zatim što brže mogu, kao iz topa, ispucaš mojom rukom majstorski pravo u njegov stomak. To je značilo 3:2 za mene. To je ujedno i značilo moju pobjedu u ovoj dugotrajnoj borbi.

Ahmed Haračić, V razred

MOJ DRUG

Džanis, moj drug iz razreda, ima dvanaest godina. On je moj najbolji drug. Ima smeđe oči kao i ja. Njegova crna kosa uokviruje njegovo lijepo lice. Svaki dan u školu dolazi otmjeno i gospodski odjeven. Osjećajan je i uvijek mi pomaže u nevoljama. Dobro govori engleski jezik i polaže nastavu po Cambridge programu. Dobar je učenik i uvijek je pored mene kad mi treba. Obojica volimo jednog DJ Skrilesca. Njegov osmijeh me uvijek oraspoloži kao da sunčeve zrake prodiru kroz mene. Komičan je i svaki dan izbjie po neku šalu. Pored školskih obaveza, on svira i gitaru. Eto, zašto je Džanis moj najbolji prijatelj i osoba koja mi mnogo znači.

Bakir Nožić, VI razred



PROLJEĆE U MOM KRAJU

Vjutro me budi cvrkut ptica i blagi sunčev zrak. Kroz prozor ulazi svježina. Proljeće je tu.

Priroda obuče novo ruho. Šume ozelene. Drveće je u novim zelenim haljinama, koje lepršaju na blagom vjetru. Stanovnici šume se bude, sve oživi. Livade izgledaju kao cvijetni tepisi. Cvijeće je istkalo šare, crvene, žute, plave. Svuda se širi opojni miris. Pčele vrijedno rade i veselo zuje. Voćke se kite beharom i tako se nadmeću u ljepoti. Lijepo vrijeme je izvuklo stanovnika na šetališta. Svi su veseli i nasmijani.

Zbog ljepote prirode, mirisa i radosti, ja najviše volim proljeće. Tokom cijele godine željno čekam miris jorgovana, koji će ubrati i njime osvježiti svoj stan.

Aldin Teletović, V razred



Došlo je proljeće. Proljeće je najljepše godišnje doba koje se naročito može osjetiti na selu. Jedno takvo selo se nalazi na Bjelašnici.

U proljeće se sve budi i cvjeta. Sunce nas grije svojim zlatnim zracima. Ptice se vraćaju sa južnog puta i pjevaju svoje najljepše pjesme. Livada se šarenim svog mirisnog raznobojskog cvijeća. U dnu livade nalazi se kućica. Kuća je sva istrošena i ukrpljena raznim materijalima, ali to ne umanjuje ljepotu ovog pejzaža. Iza kućice se nalaze stabla, koja su počela da beharaju. Drveće polahko oblači svoje zelene haljine. Vjetar odnosi polen sa jednog na drugi cvijet. Pčele slijedeći na mirisno i raznobojno cvijeće, a u daljini se čuje lúpkanje djetlića.

Pišući ovaj rad zamislila sam da se nalazim na ovom mjestu, osjećaj je predivan.

Beklisa Behmen, V razred

Na vrata je pokucalo proljeće, a sa proljećem i nove radosti. Stiglo je proljeće! Stiglo je proljeće! – čuju se dječiji glasovi. Sunce sve jače grijе, dani su duži, a noći kraće.

Drveće je raširilo svoje grane, a na granama su se pojavili zeleni listovi i prvi pupošjci. Ptice se vraćaju s juga i prave gnijezda. Livade su prepune zelene trave, a svuda oko su i prvi vijesnici proljeća: visibaba, ljubičica, Šafran. Ljudi započinju prve proljetne radove, uređivanje vrtova, bašči i voćnjaka. Igrališta su preplavljeni djecom koje je toplo vrijeme izmamilo vani. Svi volimo proljeće, svi mirišemo na proljeće.

Poslije lijepog, sunčanog i veselog proljetnog dana, priroda je utonula u san. Tako je prošao jedan proljetni dan, suncem obasjan.

Harun Vuk, VI razred

POGLED U DALJINU

Pogled u kojem najviše uživam jeste prizor ispred moje terase. Tamo se prostire voćnjak sa raznovrsnim stablima i plodovima. Tu je i moje skrovište napravljeno od stare jabuke. Od svih godišnjih doba, voćnjak je najljepši u proljeće.


U proljeće priroda se budi iz svog dubokog sna. Livade prostiru svoje zelene čilime izvezene raznobojnim cvijećem i osvježene divnim mirisima. Drveće zaodjene svoja nova zelena odijela i ukrase od behara, kao da će u svatove. Svuda se rasprostire ugodna melodija koju proizvode ptice i raznovrsni insekti. Žubor riječka doziva proljeće i njegove vijesnike. Mravi marširaju beskonačnim stazama, a dan se primiče kraju. Noć je tiha i sve je mirno.

Novi dan će donijeti i novo buđenje i uživanje.

Senahid Behmen, VI razred



POSJETA GAZI HUSREV-BEGOVOJ BIBLIOTECI



Ove godine , najstarija kulturna institucija u BiH, obilježava 478. godinu postojanja.

Gazi Husrev-begova biblioteka osnovana je 1537. godine u Sarajevu i predstavljala je najznačajniju ustanovu ove vrste na Balkanu tokom cijelog osmanskog perioda.

U mjesecu februaru je postavljena izložba poštanskih maraka sa islamskim motivima iz Bosne i Hercegovine i svijeta . Tim povodom su i učenici naše škole posjetili ovu instituciju i uživali u onome što ih je tamo dočekalo.

Učenici VIII i IX razreda u zgradi Biblioteke



Na izložbi su učenici mogli vidjeti poštanske markice iz perioda Austo-Ugarske monarhije, Kraljevine Jugoslavije i drugih perioda BiH. Motivi na markicama prikazuju Počitelj, Gradačac, Koziju čupriju u Sarajevu, munaru džamije "Pod takišom" u Sarajevu, motive ljiljana, narodnih nošnji, džamija, turbeta, gradskih čaršija, te likove bh. književnika.



Pripremio:Bekir Šutković

Posjeta KLAS-u

Pripremila: Meliha Stočević

Dana 12.3.2015. godine učenici od I-V razreda su posjetili tvornicu „Klas“. Učenici su od škole do tvornice išli organizovanim prijevozom.



Tamo su ih dočekali uposlenici, koji su ih proveli kroz sve prostorije fabrike.

Posjeta je trajala veoma kratko, ali su vidjeli mnogo toga: mjesto za čuvanje brašna; radionicu u kojoj se prave i pripremaju tijesta, a potom „najslađi“ dio, gdje se pripremaju baklave, kadaif i druge poslastice.



Učenicima je bio posebno zanimljiv „tobogan“ za hljeb



Naša šetnja završila se degustacijom kolača.

Vodič nam je, po završetku obilaska, skrenuo pažnju na mlin, smješten ispred zgrade. Njegova starost je oko 100 godina.

MAŠTA MOŽE SVAŠTA

Jednog lijepog i sunčanog dana mala bubamara je sletjela na moju ruku. Pozvala me je da idem s njom na čarobno putovanje. Ja sam odmah pristao. Brzo smo se našli na nekom neobičnom mjestu. To mjesto je bilo puno bubamara. Sve bubamare su se družile i igrale. I mi smo im se pridružili. Dok smo se igrali, ugledao sam jednu bubamaru koja nije imala šara. Bila je tužna i usamljena. Mi smo je pozvali da se i ona igra sa nama. Od silne sreće njoj su se pojavile šare. Postala je kao i druge bubamare. Svi zajedno smo bili sretni zbog toga.

Arman Ibrahimović, II razred



Bila sam na proplanku i bubamara mi je sletjela na dlan. Smanjila sam se na veličinu bubamare. Ona me na svojim krilima ponijela do oblaka. Tamo sam vidjela svog cukicu i zeku. Oko nas su padala srca. Malo smo se poigrali. Vratila sam se kući sretna i vesela. Taj dan neću nikada zaboraviti.

Lamija Saltagić ,II razred

Jednog dana smo brat i ja sjedili na livadi. Iznenada mi je na ruku sletjela jedna bubamara. Počeo sam je posmatrati. Odjednom sam se našao u njenom svijetu. Moj brat i ja smo se smanjili na veličinu bubamare. Letjeli smo s njom iznad velike livade. Ona nas je vodila od cvijeta do cvijeta i pokazala nam kako žive bubamare. Obilazili smo crvene, žute, plave i mnoge druge cvjetove. Bili smo presretni. Leteći tako

začuo sam glas moje majke koji je prekinuo moje čarobno putovanje.



Hamza Seydi Halici, II razred

Moja bubamara i ja smo otišle na jedno čarobno putovanje. To je bio svijet bubamara. U svijetu bubamara svako stvorenje je bilo sretno. Nažalost, jedna bubamara je cijeli dan sjedila i plakala. Ona je plakala zato što nije imala šara. To smo vidjeli moja porodica i ja, pa čak i ostale bubamare. Prišli smo joj i svako od nas joj je poklonio po jednu šaru. Tada smo bili još sretniji, jer smo usrećili malu bubamaru koja više nikada nije bila tužna.

Amila Akšamović, II razred



Moja porodica i ja smo vidjeli veliku bubamaru koja nas je odvela u šaren svijet koji je bio obojen bojama duge. Kada smo tamo došli vidjela sam jednu tužnu bubamaru. Ta tužna bubamara nije imala ni jednu tačku. Zato je jako plakala. Ja sam imala puno tačkica. Poklonila sam joj tri tačke. Ona me zagrlila i zahvalila mi se.

Svi mo bili sretni.

Ja bih voljela opet ići na to čarobno putovanje.

Emina Efendić, II razred

Putovala sam sa svojom porodicom i bubamarom u čarobni svijet. Taj svijet je bio napravljen od slatkiša. Bilo je lizala, čokolade, štapića i bombona. Kad pojedeš nešto od toga postaneš sretan. Želim da se opet vratim u taj čarobni svijet.

Sara Gigović, II razred



VIJEĆNICA

Dva dana u mjesecu martu, učenici naše škole su imali na raspolaganju da posjete Gradsku vijećnicu. Posjeta je bila organizovana u dvije grupe, tako da su prvi dan išli učenici od I-IV, a drugi dan učenici od V-IX razreda.

U prostorija-
ma novoob-
novljene Vi-
jećnice su
nas dočekali
kustosi, koji
su nas
prvenstveno
podsjetili na
istoriju, a
potom poveli
u razgledanje
ove značajne
i jedinstvene
građevine.





Učenici su bili oduševljeni enterijerom zgrade i motivima koje su mogli vidjeti. Kustos nam je pojašnjavao kako su tekli radovi, te posebno naglasio da je na svakom obnovljenom dijelu ostavljen i jedan autentični, kao uzorak.



Učenici su imali priliku sjeti u stolice gradskih vijećnika te nakratko osjetiti "kako je biti na vlasti".

Pripremila: Dženana Nožić

V ŠKOLSKI TURNIR U STONOM TENISU

Stoni ili stolni tenis, poznat i kao **ping pong**, je sport u kome se takmiče dva (ili četiri) igrača koji lopticu udaraju reketom na stolu za stoni tenis.



U školi se već 5. godinu zaredom održava turnir u stonom tenisu. Sekciju vodi nastavnik Enes Đozić, koji se pobrine da se održi ovo takmičenje te prirede nagrade pobjednicima.

Evo šta je rekao Bakir Nožić, učenik VI razreda o svojoj pobjedi.

Ove godine sam došao do finala i po treći put pobijedio. Protivnik mi je bio Amar Ćelo, učenik devetog razreda. Ponosan sam na pobjedu jer je on stariji od mene. Svi učenici škole su posmatrali meč, a kada sam pobijedio, srdačno



UČENICI POSJETILI TURSKI KULTURNI CENTAR YUNUS EMRE

U srijedu, 13.05.2015.godine, u pratnji nastavnice turskog jezika, Zuhre Ljuce, i nastavnice arapskog jezika, Merise Peljto, učenici naše škole su posjetili Turski kulturni centar Yunus Emre. U centru je održan poseban tridesetominutni čas samo za naše učenike. Učenici su pokazali da su u kratkom vremenskom periodu, uz pomoć svoje nastavnice Turskog jezika Zuhre Ljucu, dostigli zavidan nivo znanja te su spremno odgovarali na pitanja iz raznih oblasti koje su im profesori turskog jezika u Yunus Emre-u postavljali. Nakon završetka časa, učenici su obišli cijeli centar kako bi se



upoznali sa ostalim zaposlenicima i vidjeli na koji način oni rade. Nakon posjete prvoj zgradi, učenici su obišli i drugu zgradu pomenutog Kulturnog centra koja je smještena u neposrednoj blizini. Tu su prisustvovali prigodnoj prezentaciji koja je na najbolji način predstavila Tursku i Kulturni centar Yunus Emre. Učenici su vidjeli i zanimljive kratke videoe vezane za turski jezik, za Republiku Tursku, turske



gradove i sl. Saznali su da su dio 6000 učenika koji uče turski jezik u Bosni i Hercegovini. Učenici su dobili i prigodne poklone kao što su razne brošure, sveske, olovke i kačkete. Počašćeni su i sokovima i keksićima.

Učenicima se obratio i M.A.Yaman, direktor Turskog kulturnog centra Yunus Emre, s kojim su učenici podijelili svoje utiske. Direktor je izrazio svoje zadovoljstvo što smo došli u posjetu Centru te da smo uvijek dobrodošli. Srdačno

Kafeterija iz koje se pruža divan pogled na sarajevske ulice.



Prezentacija je održana u maloj kino sali izrađenoj u obliku unutrašnjosti aviona što je djecu posebno oduševilo.

